


Hw 85
5088

5088

5088

Bibliothek der Universitätssternwarte
Nr. 5088 = HW 85



5088

Sternw. Wien
Universitäts

IOANNIS KEPLERI
Mathematici Cæsarei

DISSERTATIO

Cum

N V N C I O S I D E R E O
nuper ad mortales missio

G A L I L Æ O G A L I L Æ O
Mathematico Patavino.

Alcinous

Δεῖδ' ἐλευθέριον εἶναι Τύγυνώμη τομέλλοντα φίλοσοφούς

Huic accessit Phænomenon singulare de
Mercurio ab eodem Keplero
in Sole deprehenso.

Florentiæ, Apud Io. Antonium Canem.
Superiorum permisso. 1610.

JOANNA SKELFEE

Mathematics in Culture

DISSERTATIO

Cmss

NANCIO SIDEREO

CAVILLERO CALILHO
Máquinas e Peças.

zuonjIA

Hinc accedit P. Antonius
ad eum Keflerius
et S. Joannes

Superiorum bellorum. 1510.



ILLUSTRIS. & REUERENDISS. D. D.

IVLIA NO MEDICES SERENISS MAGNI

HETRVRIÆ DVCIS

APVD S. C. MAIESTATEM
ORATORI.

Domino meo Colendiss.



LLVSTRISSIME DOMINE, Epistolam hanc meam ad Galilæum Galilæum, Professorem Mathematicum in celeberrima Academia Patavina, de Nuncio eius Sidereo perscriptam, & iam typis descriptam, & cui potius inscribam, quam Illus. D. T. non invenio. Tu enim exarandæ illius author mihi fuisti, primū transmissio ad me VI. Idus Aprilis, per Thomam Segethum exemplari Nuncij fiderei; & die mihi dicto ad Idus, quo Te convenirem: post ut comparui, prælecta mihi, ex literis ad Te, Galilæi postulatione, tuaq; adiuncta cohortatione: quæ percepta, & promisi me intra diem, quo solent abire cursores, exaraturum aliquid, & præstiti. Sed & nuper admodum à me, cum obvium habuisses, diligenter petisti, vt exemplum epi-

A 2 Stolas,

stolæ, si quod retinuisse, Tibi concederem legendum; ipsam quippe epistolam, quamvis apertam exhibuissim, per occupationes illius dñi, non potuisse cognoscere: quod iursum promisi me facturum, primum atque ad mundum descripsisse. Concepit autem illam initio, & iam typis expressi, tantò libertius; quod & Galileus, ad quem illa destinabatur, MEDICEORVM Cliens esset; & MEDICEI Principis Magni Hetruriæ Ducus Legatus, ipse quoque Gente M E D I C E V S, hoc a me peteret: & denique materia, de qua scribendum erat, esset eiusmodi, quæ (siquidem vera tradicerentur) MEDICEI nominis honoris, authoris consilio comprehendenderetur.

Accipe igitur, Illustriss. Domine ex priuata & Galilei propria, publicam descriptione factam, publica dicatione iam Tuam: exq; hac dedicatione studium meum in veritate &, quod hac lola ntitur, MEDICEI Principatus decore, post Galilæum authorem, afferendo, cognosce; meumq; erga Illustriss. D. T. animum ad obsequia paratissimum æstima: Denique me inter Clientes tuos numera. Vale, V. Nonas Maias. Anno Christi Domini, M. D. C. X.

Illustriss. D. T.

ad obsequia deuotus

JOANNES KEPLERV

S. C. M. Mathematicus.

AD LECTOREM

ADMONITIO

M. multi sententiam meam super Galilei nuncio si-
derio expeterent; satis facere placuit omnibus hoc opere
cōpendio; ut Epistolam ad Galileū missam (magna quidē
festinatione inter occupationes necessarias, intra pra-
scriptum diem fusam) publicis typis exscriberem.

Atqui amici ea iam excusa monuerunt, videri paulo conceptam in-
solentiū. Alius enim ablatum cupiebat exordium: quidam mitigata
voluisse verba nonnulla, que sententias à scolarum consuetudine rece-
dentes. Antagonistæ tribuere, videri posint improvidis: non nemo par-
cius etiamnum laudatum Galileum desiderabat, ut locus relinquetur
sententia clarissimorum virorum, quos diuersum a me sentire audiant.

Itaque consilium hoc inq., vt monerem Lectorem; Suum cuique pul-
chrum: plerosque contendendo excande scere; mibi gratius disputatio-
num videri condimentum, hilaritatem: Alij gravitate absentia-
num dignitatem affectant in tradenda philosophia, sunt tamen & ipsi
sapè præter institutum ridiculi; Ego ad id natura factus video, vt
laborem & difficultatem doctrinæ, remissione animi, stylo expressa,
temperem.

Quod igitur exordium attinet, meminerit Lectori, id ad eum prescri-
ptum esse, quem consentaneum sit legisse prefationem meam super Com-
mentaria Martis, nuper edita, qua & allegata videt. Lusus enim seu
iocus militaris, quo sum vsus in opere illo publico, derivatus est in hoc
etiam exordium private epistola iure non deteriori.


Ad alteram censuram eadem est responsio; singo animi gratia inter
disputantes litem, rixas, victoris triumphum, minas atroces: pœnam vi-
eti, ruborem, vincula, carceres, exilium: que serium quid pollicentur, ac
si vterque super sua sententia, veluti super aris & focis depugnet. At-
qui non est opus moneri Academicos (cateri saltem cogitent) quid sit
Positionem suam custodire: quod dum facit alter, non tantum vera
& recepta, sed etiam absurdâ, falsa (imò inscholis sapè etiam impia,
pernicioса, blasphemâ) pro suis usurpat; eaq; vt fert dicendi occasio, vel
sibi videri, vel se credere, se statuere, se probare, vel probaturum pro-
fitetur

fitetur, cum secum nihil minus credat: tantum ut exercitatum reddat alterum in defendenda veritate. Adeoq; maior est festinitas contentionis; si simplicior aliquis de veritate, velut de statu suo, contrarij improuisa assertione deturbeatur, iubeatur; defendere, quod defenso- nis egere nunquam cogita verat.

Quod tertium caput obiectionis attinet; equidem fucati nihil de Galilao scripsi. Semper hunc morem tenui, ut quæ bene ab alijs dicta putarem, collaudarem; quæ male, refellerem; nunquam contemptor aut dissimilator alienæ scientiæ, vbi propria caruisse: nunquam vel seruus aliorum, vel mei negligens; si quid proprio Marte invenisem meius, aut prior.

Neque puto, tantum de me Germano', Galilæum Italum esse meritorium; ut ei vicissim adulandum fuerit, in veritatis, aut penitissime mea sententia præindicium.

*Nemo tamen existimet, me, hæc mea libertate assentiendi Galilæo,
assentiendi ab ipso libertatem alijs ereptum ire: Salvo cuiusque ini-
cio illum laudavi. Quinimò si qua hic etiam propria dogmata su-
cepti defendenda; quamvis id veritatis opinione, serioq; animo
feci: non tamen gravatim eadem me pollicor abiecturum
primum atq; mihi doctiorum aliquis errorem legi-
tima methodo demonstraverit.*



Dicitur

Nobili, & excelleniss. Domino
GALILEO GALILEO
Patricio Florentino, Professori Mathematico
in Gymnasio Patarvino.
IOANNES KEPLERVS
S.C.M. Mathematicus.

AMPRIDEM Domi meæ consideram
ociosus, nihil nisi te cogitans, Galilæe præ-
stantissime, tuasq; literas. Emisso enim
superioribus nundinis in publicum libro
meo, *Commentaria de Motibus Martis*, in-
scripto, multorum annorum labore: exq; eo
tempore, quasi quid difficilima expeditio-
bellica gloriæ satis peperissem, vacatione nonnulla stu-
dii meis interposita, fore putabam, vt inter cæteros & Ga-
lilæus, maximè omnium idoneus, mecum de novo Astro-
nomia, seu Physica coelestis genere promulgato per literas
conferret, interim illumq; ab annis duodecim institutum
resumeret.

Ecce vero tibi ex inopinato circa Idus Martias, Celerum ope-
ra nunciatum in Germaniam, Galilæi mei, pro lectione ahe-
ni libri occupationem propriam insolentissimi argumenti,
de quatuor Planetis antea incognitis (vt cætera libelli capi-
ta praeteram) vsu perspicilli duplicati in yehitis: quod cum
Illustris S. C. Mts Consiliarius, & Sacri Imperialis Consi-
liarij Referendarius: D. Ioan. Matthæus VVackherius &
VVakhenfelsz, de curru mihi ante habitationem meam
nunciasset, tanta me incisis admiratio, absurdissimi acro-
matis

Dissertatio

matis consideratione, tanti orti animorum motus (quippe ex inopinato decisa antiqua inter nos liticula) ut ille gau-
dio, ego rubore, risu uterque ob novitatem confusi, ille nar-
rando ego audiendo vix sufficeremus. Augebat stuporem
meum, VVackherij adfeveratio; viros esse clarissimos, do-
ctrina, gravitate, constantia, dupia popularem vanitatem
longissime evectos, qui haec de Galilao perscrivant:
adeoq; iam librum sub prælo versari, proximisq; cursis
bus affuturum.

Me, vt primum ab ore VVackherij discessi, Galilæi potissi-
mum movit authoritas, iudicii rectitudine, ingenij; soler-
tia parta. Itaque meditatus mecum sum, qui posuit aliqui
fieri accessio ad Planetarum numerum, salvo meo mysterio
cosmographicō, quod ante annos tredecim in lucem
didi: in quo quinque illæ Euclidis figuræ, quas Proclus ex
Pythagora & Platone Cosmicas appellat, Planetas circa So-
lem non plures sex admittunt.

Apparet autem ex prefatione illius libri, & me tunc quaesivisse
plures circa Solem Planetas, sed frustra.
Quod igitur haec perpendenti incidebat, curriculo ad VVack-
herium detuli: nimurum uti terra, unus ex Planetis (Co-
pernico) Lunam suam habeat, extra ordinem Iese circum-
cursitantem; sic fieri sane posse, vt Galilæo quatuor aliæ Lu-
næ minutissime, angustissimis meatibus circa Saturni, Iovis,
Martis & Veneris corpuscula circumvolvi videantur; Mer-
curium vero, circumsolarium ultimum, tam esse inmer-
sum in Solis radios, vt in eo nihil adhuc simile potuerit à
Galilæo deprehendi. Praecepit etiam
Simon
VVackherio contrâ visum, hanc dubiè circa fixarum aliquas
circumire novos hos planetas, (quale quid iam a multo
tempore mihi ex Cardinalis Cusani & Jordani Bru-
ni speculationibus obiecerat:) ac si quatuor ibi latuerint
haec enus Planetæ, quid igitur impedire, quin credamus,
innumerabiles porro alios ibidem, hoc initio facto, dete-
ctum iri: adeoq; vel mundum hunc ipsum infinitum, vt
Melisso & Philosophiae Magneticae authori Gulielmo Gil-
berto Anglo placuit: vel, vt Democrito & Leucippo, &
ex recentioribus Bruno, & Brutio, tuo Galilæo & meo ami-
co, visum, infinitos alios mundos, (vel, vt Brunus, terras)
huius

Cum Nuncio Sidereo

huius nostri similes esse. Sic mihi sic illi visum, interim dum librum Galilæi, uterat spes facta; cupidine mira legendi expectamus.

Primum exemplum concessu Cæsaris mihi contigit in spicere, cursimq; per volitare: Video & magna longeq; admirabilissima spectacula, proposita Philosophis & Astronomis, ni fallor & mihi; video ad magnarum contemplationum exordia omnes vere Philosophiae convocari.

Iam tum gestiebat mihi animus, me rebus inferre, quippe provocatum, & qui eadem de materia ante annos sex scripsisse; tecumq; Galilæe solertissime, de tam inexhaustis Iovæ conditoris thesauris, quorum alios post nobis aperit, iucundissimo scriptio[n]is genere conferre. Quem enim tace-re sinunt tantarum rerum nuncij? Quem non implet diuini amoris abundantia, per linguam & calamum sese profundiens vberissime?

Addebat animam Augustissimi Cæsaris Rodulphi imperia: qui meū de hac materia iudicium expetebat. De VVacKherio verò quid dicam? Ad quem vt ueni sine libro, lectionem tamen eius professus: in visum mihi, rixatum etiam fuit; denique planè conclusum vt in hac materia non differem fieri quam disertissimus.

Dum aliquid meditor: superueniunt literæ tuæ ad Illustriss. Magni Heturiae Ducis Legatum, plenæ tui in me amoris, vt qui hoc mihi honoris impertitus sis; vt per tantum virum potissimum me & transmissio exemplari, & addita commonefactione, provocandum ad scribendum censueris: quod & prestitit in tui gratiam perquam humaniter, & me in clientelam suam suscepit benevolentissime.

Quod igitur mihi propria animi propensione; quod amicis placet; quod diligenter ipse rogas; id faciam: non nulla spe inductus, me hac epistola id tibi profuturum, si eam centuris ostendendar, ut contra moros novitatum ceniores, quibus incredibile quicquid incognitum; profanum & nefandum, quicquid ultra consuetas Aristotelicæ angustiar metas, uno proaspiste sis processurus instructior.

Temerarius fortè videri possim, qui tuis affectiōnibus, nulla propria experientia suffultus tam facile cre-

Dissertatio.

dam: At qui non credā Mathematico doctissimo, cuius uel auctoritas iudicij rectitudinem arguit, qui tantum abest ut se se vultati dedat, seseq; vidisse dictum quē non viderit, popularē autem rā captans; ut uel receptissimis opinionibus, veritatis amore non dubitet repugnare, vulgiq; vituperia susq; deq; ferre? Quid quod publicē scribit, probrumq; si quod committetur, clam habere nequaquam posset? Egone ut Patricio Florentino fidem derogem de iis quae vidit? perspicaci lucidus? instrumentis ocularibus instruēto, ipse nudus, & ab hac supellestili inops? Ego non credam omnes ad eadem spectacula inuitanti, & quod caput est, vel ipsum suum instrumentum ad faciendam fidem oculis, offerenti?

An parum hoc fuerit, Magnorum Hetruriae Ducum familiam ludicari, Mediceumq; nomen figmentis suis prefigere, planetas interim veros pollicentem?

Quid quod propriis experimentis, quod & aliorum asseverationibus, in parte libri deprehendo ueracissimum? Quid causa sit, cur solum de quatuor planetis deludendum sibi putauerit orbe?

Tres sunt menses cum Augustissimus Imperator super lunæ maculis varia ex me quæsivit, in ea constitutus opinione, Terrarum & continentium simulachra in luna cœu in speculo resplendescere. Allegabat hoc potissimum, sibi videri expressam Italiam cum duabus adiacentibus insulis effigiem. Specillum etiam suum ad eadem contemplanda offerebat in dies sequentes, quod omissum tamen est. Adeo eodem tempore Galileæ, Christi Domini patriam vocabulo præferens, Christianiorbis Monarcham (eiusdem irquieti spiritus instinctu, qui naturam detectum ibat) deliciis tuis æmulatus es.

Sed & antiquissima est hæc de maculis lunæ narratio, fulta auctioritate Pythagoræ & Plutarchi summi philosophi, & qui, si hoc ad rem facit, Proconsulari imperio Epirum tenuit sub Cæsaribus. Ut Mæstlinum adeoq; & mea optica ante annos sex edita præteream, inq; suum locum inferius differam.

Hæc igitur cum consentientibus testimoniiis etiam alii de Lunæ corpore asseverant, consentanea iis quæ tu de eodem longe dilucidissima affers experimenta: tantum abest, ut si dem

dem tibi in reliquo libro & de quatuor circum Iovialibus planetis derogem; vt potius optem mihi in parato iam esse perspicillum, quo te in deprehendendis circum Martiali bus (ut mihi proportio uidetur requirere) duobus, & circum-Saturni sex vel octo prævertam, uno forsan & altero circum Venerio & circum-Mercuriali accessuro.

Quam ad venaturam, quod Martem attinet, tempus erit maximè idoneum October venturus, qui Martem in opposito Solis exhibit; terris (præterquam anno 1608.) omnium proximum, errore calculi trium amplius graduum.

Age igitur, vt de rebus certissimis, meisq; oculis, ut omnino spero, uidēdis, tecū Galilæe sermonē conferā; tui quidem libri methodum secuturus, omnes uero Philosophiae partes, quæ uel ex hoc tuo nuncio ruinam minantur, uel confirmantur, uel explicantur iuxta pervagaturus: ut nihil superfit, quod lectorum Philosophiae deditum suspensum teneat; & vel à fide tibi perhibenda prohibeat, vel ad contēnendam quæ haec tenus erat in precio, Philosophiā impellat.

Primum libelli tui caput in fabrica perspīlli versatur, tantæ quidem efficaciam, vt rem spectanti millies exhibeat maiori planicie, quod tum fit, si diameter tricies bis rē presentetur longior. Quod si facultas aestimatoria manet in sententia cōtuetæ magnitudinis; necesse est ei tunc rē videri tricies bis propriorem. Distantia enim oculus non videt sed conicit, vt docent optici. Da enim hominem aliquem abesse tribus millibus & ducentis passibus, videri vero sub angulo tricies bis maiori, quam videtur alius sine perspicillo centum passibus absens: cùm certum habeat oculus, hominem illum remotum, habere consuetam magnitudinem censembit non pluribus centum abesse passibus, adjuvante & clarificatione visionis, perspicillo procurata.

Incredibile multis uidetur epichirema tam efficacis perspīlli, at impossibile aut novum nequaquam est; nec nuper à Belgis prodiit, sed tot iam annis antea proditum à Io. Baptista Porta, Magiæ naturalis libro XVII. Cap.X.de Crystallinæ lentis affectibus. Utque appareat ne compositionem quidem cauæ & convexæ lentis esse nouam; age verba-

Dissertatio

Portæ producamus. Sic ille.

Posito oculo in centro, retrò lentem, quæ remota fuerint, adeò propinqua videbis, ut quasi manu ea tangere videaris, ut valde remotos cognoscas amicos. Literas epistolæ in debita distantia collocata, adeò magnas videbis, ut perspicue legas; si lenticem inclinabis, ut per obliquum epistolam inspicias, literas satis maiusculas videbis, ut etiam per viginti passus remotas legas: & si lentes multiplicare noveris, non vereor quin per centum passus minimam literam conspiceris. Ut ex una in alteram maiores reddantur characteres. Debilis visus ex visus qualitate specillis. vtatur. Qui id rectè sciverit accommodare: non parvum nanciscetur secretum. Conca-væ lentes, quæ longè sunt, clarissimè cernere faciunt, convexæ propinquæ, unde ex visus commoditate his frui poteris. Concavo longè parva vides sed perspicua, convexo propinqua maiora, sed turbida. Si vtrumque rectè componere noveris, & longinqua & proxima maiora & clara videbis. Non parum multis amicis auxiliū præstimus, qui & longinqua obsoleta, proxima turbida conspiciebant, ut omnia perfectissimè contuerentur. Hac Capite X.

Capite XI. nouum titulum. facit de specillis, quibus supra omnem cogitatum longissimè quis conspicere queat: sed demonstrationem de industria (quod & profitetur) sic inuoluit, ut nescias quid dicat, an de lentibus perlucidis agat, ut hæc tenus, an verò speculum adjungat opacum lævigatum: cuius modi vnum & ipse in animo habeo, quod res remotas, nullo discrimine absentiae, in maxima quantitate, ideoq; ut propinquas, & præterea proportionaliter auctas exhibet; tanta claritate, quanta ex speculo (quod necessario, coloris fuscæ est) sperari potest.

Huic loco libri Portæ, cùm vidarem præfixam quærelam initio Capitis X. Cavarum & convexarum lentium, & specillorum, tantopere humanis visibus necessiorum, neque effectum neque rationes adhuc à nemine allatas: eam operam sumpsi ante annos sex in astronomiæ parte Optica; ut quid in si mپlicibus perspicillis accideret luculenta demonstratione geometrica rediderem expeditum.

Videre est ibi Capite V. ubi demonstro illa quæ pertinent ad modum videndi, fol. 202. coniunctas in schemate effigies cavi & convexi perspicilli, planè ad eum modum, quo solent hodie in vulgatis tubis inter se iungi. Quod si non lectio-

Magiae Portæ, occasionem dedit huic machinamento, aut si non aliquis Belgarum ex ipsius Portæ instructione fabrefactum instrumentum, solutis silentii legibus morte Portæ, multiplicauit in plura exempla, ut mercem uenalem ficeret: hæc certè effigies ipsa. fol. 202. libri mei potuit curiosum lectorum admonere de structura, præsertim si lectionem demonstrationum mearum cum texu Portæ coniunxit.

Non est tamen incredibile, sollertes sculptores in gente industria, qui perspicillis ad sculpturæ minutias videndas utuntur, easq; etiam in fabricam hanc incidisse; dum lentes convexas cavis varie associant, ut quæ combinatio melius serviat oculis, eam eligant.

Non ista dico ad deprimentam inventoris mechanici laudem, quisquis fuit: Scio quantum intersit inter rationales conjecturas, & ocularem experientiam; inter Ptolemaei disputationem de Antipodibus, & Columbi detectionem novi orbis: adeoq; & inter iplos vulgo circumlatos tubos bilentes, & inter tuam Galilæe machinam, qua cœlum ipsum terebrasti: sed nitor hic fidem incredulis facere instrumenti tui.

Fatendum est, me ex eo tempore, quo Optica sum aggressus, creberrimè a Cæsare rogatum de Portæ suprascriptis artificijs, fidem ijs, ut plurimū derogasse. Nec mirum, miscet enim manifestè incredibilia probabilibus: & titulus capitij XI. verbis: (*Supra omnem cogitatum quam longissime prospicere*) videbatur absurditatem opticam involvere: quasi visio fiat emittendo, & perspicilla acuant oculi iaculos, ut ad remota penetroent, quam si nulla perspicilla adhiberentur: aut si vt agnoscit Porta, visio fit recipiendo: quasi tunc specilla rebus videndis lucem concilient vel augeant: cum hoc potius verum sit, quæ non vltro ad nostros oculos eiacyulantur aliquam luculam, qua mediante conspiciantur, nunquam illa villo perspicillo detegi posse.

Præterea credebam non tantum aerem esse crassum & colore cœruleo, quo visibilium partes minutæ eminus obtegerentur, & confunderentur; quod cum per se certum sit, frustra videbam expectari a perspicillo, vt hanc aeris interfusi substantiam a visibilibus detergat: sed de ipsa etiam cœlesti essentia tale aliquid suspicatus sum, quod nos, si maximè lungcor

Dissertatio

pus in immersum, augearamus, impedire possit, quod minus ex
guas eius particulas in sua puritate seorsim a cœlesti mate-
ria pofundiflma agnoscere possumus.

Has igitur ob causas abstinui a tentanda mechanica, concurren-
tibus insuper aliis etiam impedimentis.

At nunc merito tuo Galilæe solerſſime commendo indefeſ-
ſam tuam industriad, qui diſſidentia omni poſthabitā, re-
cta te ad oculorum experimenta contulisti, iamq; orto per
tua inventa ueritatis ſole, omnes istas titubationum lar-
uas cum nocte matre diſpulisti, quidq; fieri poſſet factō de-
monſtrasti.

Te monſtrante agnoſco ſubſtantia cœleſtis incredibilem
tenuitatem, quæ quidem, & ex opticis meis fol. 127. patet ſi
proportionem densitatis aeris ad aquam conferas cum pro-
portione densitatis etheris ad aerem, proculdubio multò
maiori: quæ efficit, vt ne minutiflma quidem ſtellati orbis
(nedum lunaris corporis, ſteſtarum humilimæ) particula no-
ſtos oculos effugiat, tuo instrumento inſtructos, multoq;
plus materiæ (vel opacitatis) in uno ſpecilli corpusculo inter-
ponatur inter oculum & rem viſam, quam in toto illo im-
menſo ætheris traſtū: quia ex illo aliquantula reſultat obſcu-
ritas, ex hoc nulla: ut penè concedendum videatur, totum il-
lud immenſum ſpacium vacuum eſſe.

Etsi igitur avidè tuum Galilæe instrumentum expeſto: ta-
men ſi qua mihi ſors affulgebit, vt mechanica remotis obſta-
culis tentare poſſim; ſtrenue me in iis exercebo, idq; gemina
via. Näm vel multiplicabo lentes perfectarum ſphæricarum
hinc inde ſuperficierum, leniſſime aſſurgentium, easq; cer-
tis intervallis in arundine diſponam, exterioreſ paulo latio-
res, ut tamen oculus intra terminum interſectionis paralle-
lorum omnium lentium conſtituatur: de quibus terminis vi
de optica mea fol. 190. & fol. 440. vel ut in vnicā ſuperficie
errorem (ſi quis eſſet) faciliuſ corrigere poſſim; unam ſolam
lentem ſeu umbonem effigiabo, altera ſuperficie proximè
plana, quippe in convexitatē ſphæricam ſoliuſ dimidijs gra-
duſ ſeu 34. minutorum aſſurgentē: reliqua non ſphærica quæ
ad oculum uergit, ne mihi contingat, quod fol. 194. oſtendit
Schema, fratq; partium rei uifae diſtortio & confuſio, de qua
eſt prop. XVIII. fol. 193. ſed in umbonem aſſurgentē, ut eſt
fol.

fol. 198. in schemate demonstratum, ut sit humori crystallino oculi similis; linea quippe hyperbolica tornata descriptum, quam fol. 106. in tchemate quesi vi propter machina-
menta Optica, ut est fol. 96. & fol. 109. scilicet ut non distor-
ta fiat visio, sed partium rei uisae imagines augeantur propor-
tionaliter, ut proposui fol. 105.

Hæc inquam in constituenda lente convexa obseruabo, ut ma-
jora præstem uisibilia: oculumq; non longè ab hoc puncto
collocabo, in quod omnium rei uisae punctorum radij (que
proprietas est huius umbonis hyperbolici) vnicè confluant:
hyperbola eousque continuata erit, ut radius ex puncto seu
centro hoc in contingentem extremum hyperboles, faciat
angulum 27. ideoq; refractionem circiter 9. ut ad triginta
semies gradum habeam in utriusque lateris refractione ex-
tima, in intermediis proportionaliter minus.

Quia verò unius puncti de re lucente tam remota radiationes
proximè parallela descendunt ad vmbonem; post quem
conuergentes in humorem oculi crystallinum incidūt, adeò
ut post crystallinum facta refractione concurrant in puncto,
proximè crystallinū, & ab eo se rursum dilatent, donec in re-
tiformem ueniant iam dilatati instar penicilli, atque ita pro-
punctis lunæ singulis, singulæ retiformis illustrantur super-
ficies, adeò vt confusissima fiat visio, ideo ad oculum cuiuslibet
spectantis peculiarem pro diuersitate oculorum adhibeo
lentem cavam, ut coauergentes unius puncti radij, contraria
refractione in cavo facta, prohibeantur convergere;
sed potius divergentes, & sic uelut ab aliquo propinquuo pun-
cto uenientes in crystallinum incident, perq; eum refracti, in
retiformi ipsa sortiantur sua collectionum puncta: que defini-
nitio est visionis distinctæ: que omnia demonstravi fol. 202.
meæ Optices.

Atque hæc de instrumento ipso; Iam quod usum eius attinet; argutum sanè est inventum tuum, quomodo cognoscatur,
quanta fiat rerum per instrumentum ampliatio, & quomodo
singula in cœlo minuta minorumq; partes dignosci pos-
fint. Quia in re cùm in certamen ueniat industria tua cum
Tychonis Brahei in observando certitudine accuratissima:
non abs re fuerit aliquid interloqui.

Memini cùm Polyhistor ille scientiarum omnium Io. Pistorius

Dissertatio

ex me quæreret, non una uice; num ad eō limitatae sint Braheanae obseruationes, ut planè nihil in iis desiderari posse putem? Valde me contendisse, uentum esse ad summum, nec relictum esse quicquam humanæ industrie, cùm nec oculi maiorem ferant subtilitatem, nec refractionum negotium, siderum loca respectu horizontis statu movens: atque hic illum contrà constantissimè affirmasse: venturum olim, qui perspicillorum ope subtiliorem aperiat methodum: cui ego refractiones perspicillorum ut ineptas ad Obseruationum certitudinem, opposui. At nunc demum video, uerum in parte vatem suis Pistorium. Ipsæ quidem Brahei Observations per se stant, habentq; suam laudem. Nam quid sit in cœlo arcus 60. graduum; quid 34. minuta: hoc solis Brahei instrumentis innotescit. At qui Braheus hoc pacto gradus cœlestes (uel etiam ego meo artificio Optico Lunæ diametrum) in cœlo fuerimus dimensi: iam superveniens tuum Galilæe perspicillum, & quantitatem illam a Braheo & a me proditam complectens, subtilissimè illam in minuta & minutorum partes subdividit; seseq; Brahei methodo obseruandi, elegantissimo coniugio associat: ut & Braheus ipse habeat, quo tua obseruationis methodo gaudeat, & tu tuam ex Braheana necessariò instruas.

Vis dicam quod sentio? Opto mihi tuum instrumentum in Eclipseos lunaris contemplatione: sperarem ex eo præstantissima præsidia ad expoliendum, est ubi & reformandum, totum Hipparchum meum, seu demonstrationem intervallo rum & magnitudinis trium corporum, Solis, Lunæ & Terræ. Diametrorum enim Solis & Lunæ differentiam uariabilem, digitosq; in Luna deficientes nemo exactius numerabit, nisi qui tuo instructus oculari, diligentiam in obseruando adhibuerit.

Stet igitur Galilæus iuxta Keplerum, ille Lunam obseruans, ocnverso in cœlum vultu, hic Solem, aversus in tabellam, (ne oculum urat specillum) suo vterq; artificio: & ex hac societate prodeat olim nitidissima intervallorum doctrina.

Quinetiam (præter Lunam) Mercurium ipsum in disco Solis hoc meo artificio uidi: uide libellum hac de re editum. Nec minus etiam si Cometa quispiam effulserit, parallaxes eius

(ut)

Cum Nuncio Sidereo

3

(ut & Lunæ) ad stellulas illas minutissimas & creberissimas, solo tuo instrumento conspicuas, collatae, obseruari rectissime poterant: ex quibus de altitudine corporum illorum certius, quam hactenus unquam, licet argumentari. Atque haec tecum Galilæ, ad primum libelli tui caput, conferre libuit.

Transis secundò ad phænomena Lunaria pre-

stantissima : qua mentione refricas mihi memoriam eorum,
que in Astronomiae parte Optica Cap. VI. de luce siderum
Numero 9. super maculis Lunæ, ex Plutarcho, Mæstlinio,
meisq; experimentis adduxi. abhinc siue 1A . 16160303
Ac initio perquam iucundum est, & meipsum in eiusdem lunæ
maculis, non ut tu, conuerso, sed auerso vultu obseruandis,
esse versatum. Schema huius rei habes fol. 247. mei libris
ex quo illud patet, mihi quoq; limbum lunæ apparuisse
lucidissimum vndiq; solum corpus interius maculis fuisse
distinctum. bonum ut gaudiu[m] rego non existimatio[n]em

Ex eo subit animum certare tecum: in pavidendis illis minutis
maculis a te primū in parte lucidore animadversis. Id au-
tem hoc pacto me spero perfecturum mea observandi ratio-
ne, vultu à Luna averfo; si lunæ lumen per foramen in rabel-
lām pertica circumlatam intromiserō, sic tamen, ut foramen
obvallet lens crystallina, sphaerico maximi circuli gibbo, &
tabella ad locum collectionis radiorum accommodetur. Sic
in pertica 12. pedes longa, lunæ corpus perfectissimè depin-
getur quantitate monetæ argenteæ majoris. Artificium de-
monstravi prop. 23. fol. 196. & 211. libri mei; simplicius ta-
men fuit propositum à Porta primo titulo Cap. VI. delente
cùm ego de integro globo demonstraverim.

Pergamus Galileæ, tua excutere phænomena; Nam cum ætate
lunæ auspicaris observata tua, primumq; ostendis, quid cor-
niculatae desit ad ovalis lineaç perfectionem. Ovalem esse spe-
ciem circuli illuminatorij demonstravi Número 8. fol. 244.
libri mei: tñrse igitur & planè mathematicè loqueris.

In consideratione macularum à te primū animadversarum
in parte lunæ lucida; omnino optice demonstras ex illumin-
nationis ratione, illas esse cavitates aliquas seu depresso-
lunas in lunari corpore. Sed excitas disputationem quid-

Dissertatio

nam sint illæ tam crebræ lunæ maculæ partis antiquitus lucidæ putatae. Tu eas cū vallis cōparas nostræ Telluris & fateor esse nōnullas huiusmodi valles pr̄sertim in Styria prouincia, specie quasi rotundas, faucibus angustissimis fluuiū Muram recipientes supra, emittentes infra, vt sunt campi di Eti Græcensis, Libnicensis, & ad Dravum Marpurgensis, alii que per alias regiones, quos circum campos altissima consurgunt montium iuga, speciem aheni exprimentia; quippe nō minima pars latitudinis camporum est altitudo circumferarum crepidinum. Evidem fateor, & tales in Luna valles esse posse, sinuosis montium recessibus propter fluvios excauatas. At quia addis tam crebras esse has maculas, vt assimilent lucidam partem corporis lunaris caudæ parvoni, in varia specula, velut oculos, distinctæ: subit igitur animum, num in Luna hæ maculæ quid aliud notent. Apud nos enim in Tellure sunt sinuosæ nonnullæ valles, at sunt etiam in longum protensæ secundum fluviorum decursus, profunditatis non contemnendæ: cuiusmodi veluti perpetua vallis est Austria ferè tota propter Danubium, inter Moraviae & Styriae montes depressa, & quasi recondita. Cur igitur nullas tales longas in Luna maculas prodis? cur plerasq; circulo circumductas? Annè licet conjecturis indulgere, Lunam veluti pumicem quendam esse, creberrimis & maximis poris vndiq; dehiscentem? Patieris enim æquo animo, vt hic per occasionem aliquid indulgeam speculationibus meis, Commetario de Marte Cap. XXXIV. fol. 157. propositis: vbi ex eo quod Luna à Tellure duplo celerius incitatatur, quam partes ipsæ telluris extimæ in circulo æquatore; collegi, lunare corpus esse rarum admodum, quodq; exigua materiæ paucæ contumacia præditum, raptui Telluris non multum resistat.

Veruntamen hæc (de absolutis cavitatibus non per montes formatis) tanti non sunt, vt si iuxta tuas sequentes narrationes stare omnino nequeant, pertinaciter defendenda putem.

Nam clarissimis experimentis lege planè optica reddidisti confirmatissimum, in lunari corpore multos per lucidam partem, pr̄sertim inferiùs, consurgere apices, instar altissimorum montium nostræ Telluris, qui primi orientis in Luna Solis luce fruuntur, eaque tibi perspicillo tuo vt tēti detegātur.

Quid

Quid iam dicam de tua super antiquis maculis Lunę disputatione exactissima? Cū fol: 251. libri mei sententiam Plutarchi adduxisse, Lunę maculas illas antiquas pro Lac ubus seu Maribus habentis, lucidas partes pro continentibus: non dubitavi inē opponere, & contraria ratione in maculis continentibus, in lucida puritate humoris vim ponere: qua in re mihi VVaēKherius valde applaudere est solitus. Adeo q; his disputationibus superiori estate indulsumus (credo quod Natura per nos eadem moliebatur, quæ per Galilæum obtinuit paulo post) vt in ipsius VVaēKherij gratiam, etiā Astro nomiam novam, quasi pro iis qui in Luna habitant, planeq; Geographiam quandam Lunarem conderem: cuius inter fundamenta & hoc erat, maculas esse continentibus, lucidas partes maria. Quid me moverit, vt hic Plutarcho contradicerim, videre est fol: 251. libri mei, experimentum scilicet ibi allegatum, quod cepi in monte Styrię ScheCKel, ex quo mihi subiectus fluvius videbatur lucidus, terræ tenebrosiores. At infirmitatem applicationis folio verso margo ipse indicateat. Scilicet non luce communicata ex Sole vt Terræ lucebat fluvius, sed luce repercussa ex aere illuminato. Propterea & causas experimenti tentavi infeliciter. Nam contra doctrinam Aristotelis, libro de Coloribus, hoc affirmavi: aquas minus de atro participare, quam terras. Qui enim hoc verum esse possit, cū Terrę aquis tinctę nigriores evadant? Et quid multis, da Lunam ex alba gleba constare, vt Creatam insulam, (quomodo Lucianus Lunam dixit Caselli similem Terram esse.) concedendum erit, clarius resplendere illam ex illuminatione Solis, quam maria, quantumvis non atramento imbuta.

Itaq; nihil me liber meus impedit, quo minus te audiam, contra me, pro Plutarcho, mathematicis argumenti differente, illatione argutissima & invicta. Lucidæ quippe partes multis cauitatibus dehiscunt, lucidæ partes tortuosa linea illuminantur, lucidæ partes eminentias habent magnas, quibus vicinas partes prevertunt in illuminatione: eadem & contra Solem sunt lucidæ, parte à Sole aversa tenebrosæ: quæ omnia in sicco & solido & eminenti locum habent, in liquido minimè. Contra tenebrosæ partes, notæ antiquitas, sunt æquabiles; tenebrosæ partes, tardè illuminantur quod

Dissertatio.

carum arguit humilitatem, cùm circumstantes eminentes iam longe lateq; colluceant, & a tenebris illuminatis nigro re quodam velut vmbra distinguuntur; linea illuminationis in parte tenebrosa recta est, in quadris: quæ vicissim in humorē competunt, lma petentem, & pondere suo fusum ad æquilibrium.

His inquam argumentis planè satis fecisti: do, maculas esse maria, do lucidas partes esse Terram.

Neq; hæc tua experimenta perspicacissima, vel meo ipsius testimonio carent. Nam sol: 248. Optices meæ habes Lunæ bisectaæ lineam tortuosam, ex quo elicui eminentias & depressiones in Lunæ corpore. Fol: 250. exhibeo Lunam in Eclipsi, figura laniataæ carnis aut afferis confacti: striis lucidis sese in partem vmbrosam insinuantibus: qua observatio- ne idem tecum, sed alio argumenti genere evinco, Lunæ par- tes inæquales esse, has eminentes, illas profundas; non iam ex umbræ proiectione, sed ex eo quod debilitatum Solis ra- dium in confinio Eclipsis, aliæ Lunæ partes fortius, aliæ de- bilius excipiunt & revibrant. At hæc confusè tantum & su- perficiarie à me annotata sunt, nulla distinctione maculosa- rum partium à lucidis. Tua verò diligentia, quam ordinati omnia persequitur? Qui etiam maculas ipsas veteres al- bicantibus areolis æquabilibus, ceu maria planis insulis in- terstinctas exhibes.

Neq; satis mirari possum quid sibi velit ingens illa, circuloq; rotundata cavitas, in sinistro, ut ego loqui soleo, oris angulo: naturæ ne opus sit, an manus artificis. Nam profectò co- sentaneum est, si sunt in Luna viventes creature (qua in ma- teria mihi post Pythagoram & Plutarchum iam olim Anno 1593. Tubinge scripta disputatione, inde in Opticis meis fol: 250. & nuperrime in supradicta Geographia Lunari lu- dere placuit) illas iegenium suæ prouince imitari, quæ mul- ti majores habet mōtes & valles quam nostra tellus, ideoq; mole corporum maxima prædictas, immania etiam opera pa- trare: cumq; diem habeant quindecim nostros dies longam, estulq; sentiant intolerabiles; & fortasse careant lapidibus ad munitiones contra Solem erigendas, at contrâ glebam forsan habeant in modum argillæ tenacem; hanc igitur illis ædificandi rationem usitatam esse; ut campos ingentes de-

primant, terra circulo egesta & circumfusa, forte & humoris in profundo eliciendi causa; vt ita in profundo, post tumulos egestos in umbra lateant, intusq; ad motum Solis & ipsi circumambulent umbram consequentes; atq; haec sit illis veluti quædam species urbis subterraneæ; domus, speluncæ creberrimæ, in crepidinem illam circularem incisa; ager & pascua in medio, ut solem fugientes a prædiis tamen longius non cogantur recedere.

Sed sequamur porrò etiam filium tuæ scriptioñis. Quæris cur non inæqualis etiam appareat extremus Lunæ circulus? Ne scio quam id diligenter fueris contemplatus, anne potius hic ex opinione vulgi quæras? Nam libro meo fol: 249. & fol: 250. in plenilunis aliquid sanè in hac extima circuli perfectione desiderare me professus sum. Perpende; & quid tibi videatur iterato enuncia; tuis enim ocularibus fidam.

Ad quæstionem tu quidem, ut de re certa respondes gemino modo. Primus meis experimentis non repugnat. Nam si frequentia & constipatio verticum aliorum post alios in extremitate stabilis hemisphærii limbo, speciem exhibet perfecti circuli, fieri non potest, nisi vertices ad tornum æquati & abrasi sint, vt non minutulae nonnullæ rimulæ aut tuberculi compareant; quod meis observatis esset cōsentaneum.

In altero modo Lunæ circunfundis Sphæram aeriam, quæ in devexa globi reducta, profunditatem aliquam radiis Solaribus & terrestribus, adeoq; & nostris oculis obiiciat; vnde ille limbi merus & emaculatus splendor, tota interiori facie, qua non ita profunde nostris obtutibus obstat hic aer, crebris maculis scatente.

Potuit te huius aeris Lunaris admonere liber meus fol: 252. & 302. que libri mei loca tuis hic experimentis egregie cōfirmas. Sanè non video, qui Selenitæ illi in plenilunio, quod nos videmus (cæteriq; invisibilis hemisphærii in novilunio) qui bus temporibus ipsis est meridies, immanes Solis æstus tolere possint, si non aer turbidus Solem illis, vt fit apud Peruños, crebro tegat, estumq; humore temperet; qui aer in plenilunio & maculas magis occultat, & splendorem ex Sole ingentem combibit atq; ad nos revibrat.

Quid tu de aere dicas circa Lunam, cùm Mæstlinus libello Tübinger edito anno 1606. etiam pluvias in ea conspexerit.

Sic

Dissertatio

Sic enim ille Th. 152.

In Eclipse Lunari vespere Dominicæ Palmarum anni 1609. in corpore Lunæ versus Boream, nigricans quædam macula conspecta fuit, obscurior cetero toto corpore, quod candentis ferris figuram representabat. Dixisses nubila, in multam regionem extensa, pluvias & tempestuosis imbribus grávidas; cunismodi ab excelsorum montium iugis in humiliora couallium loca, videre non raro contingit.
Hac ille.

Neverò putes antiquarum macularum vnam fuisse; monstravit ipse mihi Mæstlinus anno superiori diagramma. Macula erat & situ & magnitudine differens: quippe quæ quartâ circiter aut quintam partem planicie Lunaris occupabat; & præterea adeò atra, ut etiâ in obtenebrata Luna eluceret. Tradit eo libello à Th: 88. Lunæ affinitatem cum Terra, in densitate, umbra, caligine, luce a Sole mutuatis; quæ globum utrumq; circumambulet, quæ æquales & Terricolis Lunæ phases exhibet, & Lunicolis Terræ: ut utrumq; corpus, ab altero æqualiter illuminetur, quo loco magnam partem complectitur meæ Astronomiæ Lunaris. Alterum gradum cognitionis horum corporum Th: 92. collocat in asperitate superficieum: quodq; notatu dignum est, ex tribus locis Averrois citat dictum Aristotelis ex libro de animalibus, quod Luna terrena naturæ admodum sit affinis.

In specie de aere circa Lunare corpus circumfuso à Th: 145. cx professo agit, cuius ista sunt verba Th: 149. tuis Galilæe verbis adeò similia, ut ex tuo libello desumpta videantur: Si Lunæ corpus, inquit, quacunque phase probè intuearis, extremoram multò limpidiori purioriq; luce claram, nec ullis maculis conspersam videbis: cum tamen ab interiori corpore plurimæ nigrantes nota passim emicent. Quis hic dicet, uniformis illius lucis non esse aliud quam huius obscurioris turbidi & maculati splendoris subiectum? Concludit hinc corpus limbi esse perlucidū, quasi vitreum, aerium, homogeneum, deniq; aeris nostri circumterrestris planè simile.

Multus quidem est in eo, ut tecum Galilæe, hunc aërem ex eo etiam signo probet, quod pars lumine Solis perfusa amphoris circumferentia appareat, quam reliquum orbis tenebrosum: quod Mæstlinus multis probat experimentis, non nocturnis tantum, quarum causa in visum reliqui posset, sed & diurnis, quando stel-

stella Veneris se post Lunæ bifidæ partē umbrosam tecipit. Verūm pace vestra mihi liceat, ego & si aerem Lunæ concedo, tamen super hoc experimento maneo in sententia: lumen hinc Lunæ, inde stellæ, de die etiam sese in oculo ampliare, locumq; partis tenebrosæ carpere, ut ea minuta, lucida magna putetur. Vide Optica mea fol: 217.

Sequitur in tuo libello fol: 13. ingeniosa & legitima demonstratio eius quod à me quoque fol: 250. passim dictum est, demōstratum verò minimè: Montes Lunares multò maiores esse terrenis; idq; non tantum in proportione suorū globorum, quod ego dixeram: sed in comparatione simplici. Scilicet desiderabatur ad hoc demonstrandum, tuum perspicillum, tua in observando diligentia.

Nec minus ingeniosè te fol: 14. comparas ad observationem disci Lunaris, cùm ei primùm enascuntur cornua, docesq; cornua obiectu tecti tegere, vt reliquus discus emineat. Est hic mihi modus observandi usitatis simus.

Quod verò demonstrationem attinet, quæ ostēdit hoc Lumen ex nostra Tellure effundi, ea iam à viginti annis eoq; amplius fuit penes Mæstlinum, ex cuius doctrina illam transstulti in meam Astronomiæ partem Opticam Cap: VI. num: 10. fol: 252. plenissimo tractatu: vbi easdem etiam opiniones, (quod lumen hoc sit à Sole, vel à Venere) tecum eodem modo refuto, ni si quod hanc ultimam merito suo, paulo quamtu, mollius excipio.

Putas fol: 15. ruborem illum Lunæ aheneum, quem circa extremitates umbræ terrenæ Luna eclipsata retinet, reliquo corpore fusca & evanida, esse ex illuminatione vicinæ substantiæ ætheriæ. Aduvas meam de eodem rubore disputacionem fol: 271. Opticorum: ubi eam ex refractis in nostro aere Solis radiis deduco: & accommodas ea que fol: 301. adduxi, ad rationem dicendam, cur in totali Solis Eclipsi non semper nox fiat mera: que in libro de stella nova fol: 117. repetitij. Dubito Galilæ, an possit hęc à te dicta causa huic sufficere rubori: hęc enim, uti vis aurora, Lunare corpus circūstat multò æquabilius, quam ut rubor iste sic in æquabiliter in Lunam derivetur, ut ostendunt mea fol: 276. allata experientia: que ubi in tuo systemate mundi in considerationē adduxeris, spero te hac in parte tantò felicius de rerum causis disputaturum.

Ad

Dissertatio

Ad pallorem tamen Lunæ in medium umbram immersæ efficiendum, ubi cessant radij Solis refracti; facile patior, ut iuxta sidera Solem circumstantia, quibus ego fol: 277. palloris causam transcripsi, hec tua aurora, ut potior causa adducatur.

Absolvi alterū libelli tui caput de luna: trāleo

ad tertium de Sideribus cæteris.

Prima tua obseruatio est magnitudinis siderum, quorum corpus perspicillo inspecta, in proportione ad Lunæ diametrum aīs minui. Adducis & alia similia, quibus stellæ minuuntur; verissima, & mihi longo usu comperta, crepusculum, diem, nubem, velum, vitrum coloratum.

Hic tuas excutio locutiones, angulum visorium non à primario stelle corpuculo, sed à latè circumfuso splendore terminari: item perspicillo ad scitios accidentalesq; fulgores stellis adimi.

Querere lubet ex te Galilæe, num acquiescas in causis à me allatis huius rei, ubi de modo visionis dispufo fol: 217. ac præsertim fol: 221. Opt. Nam si nihil desideras, licebit tibi porro propriè loqui; luminosa puncta conos fundere suos in crystallinum, & poss eum refractione facta eos rursum in punctum contrahere: quia verò id punctum non attingit retinâ, dilatatione nova superficieculam retinæ occupat, cum debuerit occupare punctum: itaq; perspicillorum opera fieri, ut alia refractione intercedente punctum illud in retiforme competit. Non igitur aliqui descendunt radij in oculum, à splendore stellis exterius circumfuso; sed contra qui descendunt ab ipso lucido corpore radij, iij. vitio refractionum, & per noctem amplificatione foraminis uice, diffunduntur in splendorem in retiformi circa punctum, quodstellâ debuit representare, circumiectum. Neq; perspicillū in terra admitt aliquid stellis in cœlo, sed admitt aliquid lucis retiformi quantum eius redundat.

Altera iucundissima tua observatio est figuræ fixarum radios differentis à Planetarum figuris circularibus. Quid aliud inde Galilæ colligemus; quam fixas lumina sua ab intus emittere, planetas opacos extrinsecus pingi: hoc est, vt Bruno verbis utar, illas esse Soles, hos Lunas seu Tellures.

Netamen is nos in suam pertrahat sententiam de mundis infinitis.

nitis, totidem nempè, quot sunt fixæ, omnibus huius nostri similibus: subsidio nobis venit tertia tua observatio innumerabilis fixarum multitudinis supra eam quæ antiquitus est cognita; qui non dubitas pronunciarer videri stellarum supra decem millia. Quantò enim plures & confertiores, tanto verior est mea argumentatio, contra infinitatem mundi, libro de stella nova, Cap: XXI. fol: 104. proposita; quæ probat, hunc, in quo verfamur homines, nostro cum Sole & Planetis, esse præcipuum mundi sinum; neq; fieri posse, ut ex ulla fixarum talis, pateat in mundum prospectus, qualis ex nostra tellure vel etiam Sole patet. Locum brevitatis causa superfedeo describere; prôderit ad fidem, totum perlegi.

Accedat auctarij loco & hæc argumentatio. Mihi, qui debili sum visu, fidus aliquod maiusculum; ut Canis, parùm cedere videtur magnitudine, diametro Lunæ, si radios fulgidos accensem: at qui sunt visu correctissimo, quiq; instrumentis utuntur astronomicis, quibus non imponunt hi cincinni ut oculo nudo, iij quantitates diametræ stellarum suas describunt per minuta & minutorum partes. Quod si ex mille solum fixis nulla maior esset uno minuto; (sunt autem plerq; ex numeratis maiores) etæ coactæ omnes in unam rotundam superficiem æquarent, (adeoq; & superarent) diametrum Solis. Quantò magis stellarum decies millium, disculi in unu conflati superabunt magnitudine aspectabili, speciem disci Solis? Si hoc verum, & si sunt illi Soles ex eodem genere cum hoc nostro Sole, cur non etiam illi Soles universi superant splendore hunc nostrum Solem? Cur adeò obscurum universi lumen fundunt in patentissima loca, ut Sol per foramen punctu aciculæ minimo apertum irradians in cameram conclusam, iam statim ipsam fixarum claritatem quanta esset tota camera ablata, infinito penè intervallo superets? Dices mihi, nimium illas à nobis distare? Nihil hoc iuvat hanc causam. Quantò enim distantes magis, tantò quam Sol majori diametro sunt vel singulæ. At interfusus æther fortasse obsecrat illas? Nequaquam: cernimus enim illas suis cum scintillationibus, suo cum discrimine figuraru & bolorum: quod non esset, si densitas ætheris alicui obstacle esset. Satis igitur hinc clarum est, Corpus huius nostri Solis inestimabili mensura esse lucidius, quam uniuersas fixas, ac proin-

Dissertatio

de, hunc nostrum mundum non esse è promiscuo grege infinitorum aliorum. Qua de re infra plura scribam.

Habes innumerabilitatis stellarum oculatos testes plurimos.

Rabinos aiunt numerare supra duodecim millia; novi religiosum, qui nocte quadam illunj plures quadraginta numeravit in clypeo Orionis. Mæstlinus maiusculas in Pleiadibus ordinariè numerat, nisi fallor, quatuordecim, non infra magnitudinum terminos.

De Galaxia nubeculis & nebulosis Conuolu-

tionibus beasti Astronomos & Physicos, detecta earum essentia, & confirmatis iis, qui pridem hoc idem tecum assertiverant, nihil esse nisi congeriem stellarum confusis luminibus ob oculorum hebetudinem.

Itaq; desinent porro cometas & noua sidera cum Braheo efformare ex via lactea: ne perfectorum & perennium mundi corporum interitum absurdè introducant.

Tandem ad novos Platenas tecum transeo: rē

principiæ admirationis in libello tuo; paucula tecum super eo negocio, præter ea quæ initio dicta, collocuturus.

Primum exulto, me tuis laboribus nonnihil recreari. Si circa unam fixarum discursantes inuenisses Planetas; iam erant mihi apud Bruni innumerabilitates parata vincula & carcer, imo potius exilium in illo infinito. Itaque magno in præfensi me liberasti metu, quem ad primam libri tui famam ex Opponentis mei triumpho conceperam; quod quatuor istos Planetas non circa unam fixarum, sed circa fidus Iouis a discurrere.

Ingens sanè VVackherium Philosophiæ illius horridæ denovo ceperat admiratio; quæ, quod nuperimè Galilæus oculis suis perspexisset, tot annis anteā non tantum opinationibus introduxerat, sed planè argumentationibus stabiliverat. Nec immerito sanè magni fiunt, qui in consimilibus philosophiæ partibus, sensum ratione prævertunt. Quis enim non maioris faciat nobilitatem doctrinæ astronomicæ, quæ cum pedem extra Greciam numquam extulisset, tamen Zonæ

næ frigidæ proprietates prodidit: quam vel Cæsar is experientiam, qui clepsydris ad litus Britannicum noctes deprehendit, Romanis noctibus paulò breviores; vel Belgarum in Septentrione hyemationem, stuporis quidem plenâ, sed quæ citra cognitionem doctrinæ illius fuisset impossibilis? Quis non celebrat Platonis fabulam de Atlantica, Plutarchi de insulis auricoloribus Tras Thulanis, Senecæ de futura orbis novi detectione versiculos fatidicos: postquam tale quid ab Argonauta illo Florentino tandem fuit prædictum? Ipse Columbus, dubium tenet lectorem suum; plus is ingenium admiretur, novum orbem ex ventorum flatu con-nicentis, an fortitudinē tentantis ignotos fluctus, immensumq; Oceanum : & felicitatem optatis potiti.

Scilicet in mea etiam materia erunt miraculo Pythagoras, Plato, Euclides; quod Rationis præstantia subiecti conluse-runt; aliter factum esse non posse, quam ut Deus Mundum ad exemplar quinq; regularium corporum exornaret; licet in modo errauerint: vulgaris contra laus erit Copernici, qui ingenio quidem usus non vulgari, descriptionem tamen mundi quasi ocularem fecit, solum in lucem efferens; cedet longè Veteribus Keplerus, qui ex oculari intuitu Systematis Copernicanî, quasi ascendit ad causas easdem adque quod Plato à priori desuper totantè seculis prodiderat; ostenditq; in Systemate Mundi Copernicano expressam esse ratione in quinq; corporum Platonico rum. Nec absurdum aut invidiosum hoc est, illos his præferri; postulat id ipsa rei natura. Nam si maior est gloria Architecti huius Mundi, quam contemplatoris Mundi, quam tumvis ingeniosi, quia ille rationes fabricæ ex seipso deprœpsit, hic expressas in fabrica rationes vix magno labore agnoscit: certè qui rerum causas, antequam res patent sensibus, concipiunt ingenio iij Architecti similiores sunt ceteris, qui postrem visam cogitant de causis.

Itaq; non invidebis Galilæ nostris antecessoribus suam hic laudem, qui quod nuperrimè tuis oculis deprehendisse ais, sic esse oportere tibi tanto ante prædixerant. Tua nihilominus gloria hæc erit, quod ut Copernicus, & ex eo Ego, Veteribus errorem in modo demonstravimus, quo putabant expressa esse in Mundo, quinq; corpora; substituto modo ge-

Dissertatio.

nuino & verissimo ; sic tu hanc Brutij nostri ex Bruno mu-
tuatam doctrinam emendas, partim & dubiam reddis. Pu-
tabant illi, circumiri etiam alia corpora suis Lunis, ut Tellus
nostra sua : Verum illos in genere dixisse demonstras : At
putabant fixas stellas esse quæ sic circumirentur ; causam eti-
am dixit Brunus cur esset necesse : Fixas quippe solaris &
igneæ esse Naturæ, Planetas aqueæ ; & fieri lege Naturæ in-
violabili , ut diversa ista cōbinentur, neq; Sol Planetis, ignis
aqua sua, neq; vicissim hæc illo carere possit . Hanc igitur
illius rationem infirmam esse tua detegunt experimenta .
Primùm esto ut fixa quælibet Sol sit, nullæ illas Lunæ hu-
eūsq; circumcurritare vise sunt : Hoc igitur in incerto ma-
nebit, quoad aliquis subtilitate obseruandi mira instructus,
& hoc detexerit : quod quidem hic successus tuus, iudicio
quorundam nobis minatur . Jupiter contra planetarum est
vñus, quos Brunus tellures esse dicit ; & ecce quatuor alios
circum illum Planetas : at hoc Telluribus non vindicabat Bru-
ni ratio , sed Solibus .

Interiū temperare non possum ; quin Paradoxos illos ex tuis
inventis etiam hac in parte iuvem ; moueamq; veri non ab
simile, non tantum in Luna, sed etiam in Iove ipso incolas
esse ; aut (quod nuperissimo congressu quorundam philo-
phantium, jucundè motum) detegi nunc primùm regiones
illas ; Colonos vero, primùm atq; quis artem volandi docu-
erit, ex nostra hominum gente non defuturos . Quis credi-
disset olim, tranquilliorem & tutiorem esse navigationem
vastissimi Oceani, quam angustissimi sinus Adriatici, maris
Balthici freti Anglicani ? Da naves, aut vela cælesti auræ
accommodauerunt qui ne ab illa quidem vastitate sibi metuāt
Adeoq; quasi propediem affuturis, qui hoc iter tentent, Ego
Lunarem, tu Galilæ Iovialem condamus Astronomiam.
Hæc inicundè sint interposita, miraculo audaciae humanæ, quæ
in huius potissimum seculi hominibus fese effert. Non sunt
enī mihi deridiculo-veneranda sacræ historia mysteria .
Neq; tamen etiam vile opere precium duxi, obiter aure velli-
care altiori Philosophiæ, cogitet an quiequam frustra per-
mittat Gentis humanæ supremus & providus ille custos ; &
quonam ille consilio veluti prudēs promus hoc potissimum
tempore nobis isthæc operum suorum penetralia pandat :
quod

Cum Nuncio Sidereo.

xi

quod congerro noster Thomas Segethus, multiplici vir eruzione, movit; aut si, quod ego respondi, Deus conditor, uniuersitatem hominum veluti quandam succrescentem, & paulatim maturescētem puerulum, successuē ab aliis ad alia cognoscenda ducit; (uti quidem tempus erat), cūm igno raretur planetarum à fixis discrimen, & serb admodum à Pythagora siue Parmenide animaduersum, eundem esse Vesperm & Luciferum; nec in Mose, Iobe, aut Psalmis ulla mentio Planetarum) perpendat igitur, & quodammodo respi ciat; quo usq; progressum sit in cognitione Naturæ, quantum restet; & quid porrò expectandum sit hominibus.

Sed ad humiliores cogitationes redeamus: & quod cœptum absolvamus. Si enim quatuor Planetæ Iovem circumcursitant disparibus intervallis & temporibus: quaeritur cujus bono, si nulli sunt in Iovis globo, qui admirandam hanc varietatem suis notent oculis? Nam quod nos in hac terra attinet, nescio quibus rationibus quis mihi persuadeat, ut illos nobis potissimum servire credam, qui illos nunquam conspicimus; neque est expectandum, ut tuis Galilæe oculariis universi instructi, illos porrò vulgo observaturi simus.

Quo loco opportunè occurrentum duco etiam alij cuidam suspicioni. Erunt enim, quibus vana videatur astrologia nostra terrestris, seu ut philosophicè dicam, doctrina de aspectibus: cūm numerum Planetarum aspectus facientium ad hanc usq; diem ignoraverimus? Verum iij frustra sunt: astra enim in nos agunt iis modulis, quibus eorum motus sese his terris insinuant. Per aspectus enim agunt; at aspectus effectus est anguli in centro terræ vel oculi. Scilicet non ipsa in nos agunt, sed aspectus eoru in sunt obiectum, & stimulus factatum terrestrium ratione participantium citra discursum, solo instincta.

Iam verò quatuor hi, ut ex tuis Galilæe observationibus patet, & minimi sunt, & nunquam à Iove ultra 14. minuta digrediuntur: ut totus extimi Planetæ orbis minor sit disco Solis vel Lunæ. Quare ut dem, ipsos, nō impediente minuta quantitate, concurrere per aspectus ad movendas facultates sublunares; non tamen amplius quid poterunt, quam ut & ipsi quatuor, & Iupiter, centrum curriculorum eorum, iunctim æquent (nec id crebro) Solem, in diurnitate nonnulla aspectus

Dissertatio

etut, ob diametri latitudinem.
Atq; hoc pacto manet astrologia suo loco, paterq; simul, quia
tuor hos novos non primario nobis in Tellure versantibus,
sed proculdubio Iovialibus creaturis, globum Iouis circum
habitantibus comparatos.
Id evidenter patet illi, qui tecum Galilee, mecumq; Coperni-
cum sequitur in Systemate mundano: videmus enim, in eo
Lunam, circumterrestrem planetam, sic comparatam, ut non
possit videri aliis globis, quam soli Telluri, quam cursibus
suis cingit, destinata. Eius curriculi diameter habetur pro
vigesima parte diametri orbis magni Telluris circa Solem,
Ego vix trigesimam existimo. Subtedit igitur minus tribus,
vel, ut ego, minus duobus gradibus, ex Sole inspectus. Ac
cum Saturni altitudo sit deculpa, Iovis quintupla circiter:
ex Saturno igitur inspecta nostra luna non ultra 18. vel 12.
minuta poterit a Tellure discedere, ex Iove ad 36. vel 24.
minuta: quo pacto est eius ratio planè eadem Saturni & Io-
viis incolis, quæ planetarum circum Iovialium nobis ter-
ribibus creaturis. Nec ab ludit magnitudinis ratio. Esto
enim, ut parallaxis Solis sit 3. minuta, et si multo minorem
esse putem: Terra igitur ex Sole inspecta habebit 6. minuta,
Luna sesqui. Imò terra, multò minor, etiam Lunæ relin-
quet minus, nempe non unum minutum. Atq; hoc ex Sa-
turno inspectum 6. forte secunda videbitur, ex Iove 12. secun-
da. Planè igitur sic est, quod nobis est in Tellure nostra Lu-
na, hoc non est globis cæteris: & quod Iovi, sunt illæ qua-
tuor lunulæ, id non sunt nobis: & vicissim singulis planeta-
rum globis, eorumq; incolis, sui serviunt circulatores. Ex
qua consideratione, de incolis Iovialibus summa probabili-
tate concludimus: quod quidem & Tychoni Braheo ex so-
la consideratione vastitatis illorum globorum æquè visum
fuit.

Adeoq; & hoc argutissimè VVacKherius monuit; etiā Iovem
circa suum volvi axem, ut nostram tellurem, ut ad illam cō-
volutionem gyratio illa quatuor lunarum sequatur, vt ad
nostræ Telluris gyrationem nostræ Lunæ conuersio in ean-
dem plagam sequitur: adeoq; nunc demum se credere ratio
nibus magneticis, quibus in nupero meo Physicæ coelestis
commentario, volutione Solis circa axem & polos corporis,
causas

causas motuum planetariorum expediti.
Nimirum (ut tu Galilæ pulchrè infers) si Iovem curriculo duo
decim annorum occupatum, quatuor circulatores antepone
cingunt; quid absurdī dixit Copernicus, Teliuri, dū annuo
motu redit, unam lunam eadem ratione adh̄erescere.

Quid igitur, inquies; si sunt in cœlo globi, similes nostræ tel
ituris,anne igitur cum illis in certamen venimus, utri melio
rem mundi plagam teneant? Nam si nobiliores illorum glo
bi, non sumus nos Creaturarum rotionalium nobilissimæ.
Quomodo igitur omnia propter hominem? Quomodo nos
domini operum Dei?

Difficile est nodum hunc expedire, eò quòd nondum omnia,
quæ huc pertinent, explorata habemus; ut temeritatis no
tam vix effugituri simus, multa de hac quæstione differēdo.

Non reticebo tamen, quæ mihi Philosophica videantur argu
menta adduci posse; quibus obtineatur non tantum ingene
re, ut suprà; hoc Systema Planetarum, in quorum uno nos
homines versamur, in præcipuo mundi sinu, circa Cor mun
di, Solem nempe, versari; sed etiam in specie nos homines
in eo globo verlari; qui creaturæ rationali primariae & no
bilissimæ (ex corporeis) planè debetur.

Prioris affirmati de intimo sinu mundi, vide argumenta supra
a multitudine fixarum, quæ pro muro hunc sinum certò val
lāt; & à claritate nostri Solis præ fixis. Quibus adde hoc ter
tium: quod mihi hisce diebus expressit VVacKherius, silen
tioq; consentire visus est.

Geometria vna & æterna est, in mente Dei refulgens: cuius
consortium hominibus tributum inter causas est, cur homo
sit imago Dei. In geometria verò figurarum à globo perfe
ctissimum est genus, Corpora quinq; Euclidea. Ad horum
verò normam & archetypum distributus est hic noster mun
dus planetarius. Da igitur, infinitos esse mūdos alios; ij aut di
fimiles erunt huius nostri, aut similes. Similes non dixeris.
Nam cui bono infiniti, si unus quisq; in se perfectionem om
nem habet? Aliud enim est de creaturis generationis suc
cessione perennibus. Et Brunus ipse defensor infinitatis,
censem, differre oportere singulos à reliquis totidem motuū
generibus. Si motibus; ergo & intervallis, quæ pariunt
motuum periodos. Si intervallis, ergo & figurarum ordine,
genere,

genere, perfectione, ex quibus intervalla desumpta. Adenq;
si mundos invicem similes statueres per omnia, creaturas e-
tiam feceris similes, & totidem Galilæos, nova sidera in no-
vis mundis observantes, quot mundos. Id autem cui bono?

Quin potius cavemus uno verbo, ne progressus fiat in infini-
tu quod recipiunt Philosophi: cum assentiat progresus ver-
sus minora finitus: cur non & versus maiora? Esto enim
Sphæra fixarum, huius pars forte ter millesima Saturni Sphæ-
ra, huius item decima pars Telluris Sphæra; Telluris potro-
tercenties millesima diametri, Homo, hominis tantula pars,
cuniculus subcutaneus. Hic sistimus: nec progreditur na-
tura ad minora. Pergamus igitur ad alterum membrum di-
lemmatis: sint illi infiniti mundi dissimiles nostri: alii igi-
tur quam perfectis quinq; figuris erunt exornati, ignobilio-
res igitur hoc nostro: unde conficitur, ut noster hic mundus
sit illorum omnium, si plures essent, præstantissimus.

Dicamus iam etiam hoc, cur Tellus globo Iovio præstet: di-
ghiorq; sit dominantis creaturæ sedes.
Sol quidem in cœtro mundi est, cor mundi est, fons lucis est, fons
caloris, origo vite motusq; mundani est. At videtur homo
æquo animo illo throno regio abstinere debere. Cælum cœ-
li Domino, Soli Iustitiae, Terram autem dedit filiis homi-
num. Nam & si Deus corpus non habet nec habitaculo in-
digeret in Sole tamen (ut pafsim per scripturam in cœlo) plus
exerit virtutis, qua mundus gubernatur, quam in globis cœte-
ris. Agnoscat igitur Homo ipsius etiam habitaculi sui di-
stinctione suam indigentiam, Dei abundantiam; agnoscat
se non esse fontem & originem ornatus mundani, sed a fonte
& ab origine vera dependere. Adde & hoc, quod in Opti-
cis dixi, contemplationis causa, ad quam homo factus, oculisq;
ornatus & instructus est, non potuisse hominem in cen-
tro quiescere; sed oportere, ut navigio hoc Telluris, annuo
motu circumspaciatur, iustrandi causa: non secus atq; mén-
fores rerum inaccessarum, stationem statione permutant, ut
triangulo mensorio iustum basin ex stationum interuallis
concilient.

Post Solem autem, non est nobilior globus, aptiorq; homini
quam Tellus. Nam is primum numero medius est ex globis
primariis (circulatoribus hic, & Lunæ globo circiter retri-
seposito

Dissertatio Cum Nuncio Sidereo 13

seposito, ut par est) habet enim supra, Martem, Iovem, Saturnum: infra complexum sui circuitus, currentes Venerem, Mercurium, & tornatum in medio Solem, cursuum omnium incitatem, verè Apollinem; qua voce Brunus crebro utitur.

Deinde cum quinq; corpora abeant in duas classes, triumphariorum, Cubi Tetraedri Dodecaedri, duorum secundariorum Icosaedri & Octaedri: telluris circuitus sic inter vtrumq; ordinem, ueluti maceris intercedit, ut superius de decaedri centra planorum duodecim, inferius respondentis Icosaedri angulos duodecim stringat: quo vel solo situ inter figuras, præ cæteris orbibus notabilis est orbis Telluris.

Tertiò nos in Tellure Mercurium, planetarum primariorum ultimum, uix uisu apprehendimus, propter propinquam & nimiam Solis claritatem. Quanto minus in Iove vel Saturno, Mercurius conspicuus erit? Summo itaq; consilio hic globus homini uidetur attributus, ut omnes planetas contemplari posset. Adeoq; quis negabit, in compensationem latentium apud Ioviales, planetarum eorum, quos nos Terricola videmus; attributos esse Ioui quatuor alios, ad numerum quatuor inferiorum, Martis, Telluris, Veneris, Mercurij, Solem ambientium intra Iovis ambitum?

Habeant igitur creaturæ louiae quo se oblectent; sint illis etiā, si placet, quatuor sui planetæ dispositi ad normā classis triū rhombicorum corporum; quorum vnum (quasi rhombicum) cubus ipse est, secundum Cuboctaedricum, tertium Icosidodecaedricum, sex, duodecim, triginta planorum quadrilate rorum: habeant inquam illi sua: nos Homines Terricola non utiq; frustra (me doctore) de præstantissima nostrorum corporum habitatione gloriari possumus, Deoq; conditori grates debemus.

Hæc super novis dubitationibus, quas tuis Galilæ experimētis excitasti, philosophicè tecum differere mihi placuit;

Sed cum saepius iā strueturam mundi per quinque regularia corpora, ex meo mysterio Cosmographico adduxerim, tribus verbis obiectionem initio epistole tam, penitus eliminabo.

Dissertatio

Cum quatuor hi planetæ angustissimis meatibus Iovem ipsum circumambulent; nemo metuat, turbatum iis irrationem meam interpositionis figurarum Pythagoræ inter planetas. Quin potius spero hos circulatores Iovios, & si quos habent alij etiam planetæ, tandem omnem quæ restat discrepantiam sublaturos. Rationem enim a Deo etiam horum circulatorum habitam in figurarum interpositione, circulator terræ, Luna scilicet arguit, cuius circuitum circa terram negligere non potui, cum illud negotium serio tractarem.

Adeoq; etiamnum in restitutione orbium, & motuum Martis, Telluris, Veneris, ex observationibus Brahei, deprehendo hia re plusculum interstitia, ut Dodecaedri angulis, a Perihelio Martis extensis, non assequantur centra planorum, Lunam in Apogæo suo, & Aphelio Telluris constitutam: neque centra Icoædri Aphelio Veneris accommodata porrigan angulos, Icoædri usque ad Lunam in Apogæo suo & Perihelio Telluris constitutam: quod argumento est, superesse aliquid loci inter Perihelium Martis & Angulos Dodecaedri; sic inter centra Icoædri & Aphelium Veneris; & quod miraculo esse possit, paulò plū illic, quam hic: quibus ego spaciois spero me Lunas circum-Martiales & circum-Venerias, si quas Galilæe olim deprehensurus es, facilimè locaturum.

Tecum Galilæe incepi, tecum finem faciam.

Miraris non frustra, cur tanto discrimine magnitudinis Medicæ sidera suas mutent facies. Causas, quas communisci quis posset, tres reiicis argutè & mathematicè. Ponis unam physicam ut possibilem: de qua tempus docebit. Occurrit vero mihi ista: si quatuor hi planetæ, disci forma plano ad Iovem conuerso circumveant, ut ad excursus maximos nobis & Soli obiciantur ut Linæ, supra & infra irradientur perpendiculariter, videanturq; magni, & forte diversicolores sint, pro diversitate planicierum. Sufficiat monuisse.

Quod supereft, vehementer abs te peto Galilæe celeberrime, ut in observando strenuè pergas, quæq; observando fueris assecutus, nobis primo quoq; tempore communices, deniq; prolixitatem hanc meam, dicendiq; de Natura libertatem boni consulas. Vale. Pragæ 19. April. 1610.

Pott

Post Scripta.

Si unum adhuc diem expectasssem, Galilæo mutuum rependere potuisssem. Nova enim, non ut Galilæi, probabilia, licet inaudita; sed contraria, longe absurdissima, licet saepe iacata, retulit Catalogus Nundinarum Francordensium, Thomam quendam Géphyrandrum Circulum quadrasse. Nulla hic iam fides oculis; Ratio vero aures ad primam fam obturavit.

Alius VV Wolfgangus Satlerus Basileensis, Mercurium (et ipsum iam olim Deorum numerum creditum) emitit, significatū Astrologis Triginta Graduum Aspectum efficacē esse. Gratulor ipsi de agnita domi veritate. Foris in parte falsus est nunciūs: errat in primo inventore. Monuit Mæstlinus Theoribus suis de motuum varietate, anno 1606 editis. Vsurpauit ego hunc aspectum ab anno 1603. Videatur et meus Tertius Interveniens, his usdem Nundinis prodiens. Nomen Semisexto dedi. Rationem eius pulcherrimam pollicentur mea Harmonica.

Typographus Lectori.

Singulare hoc Phænomenon, de stella Mercurij ab eodem Keplerio
deprehensa in Sole, hic annexè dū in studiosorum gratiam curauimus,
cum in hac sua dissertatione de illo memoriam faciat. Id
equi boniq; consulas amice lector, & Vale.

IX Astronomiæ parte Optica, sub finem capitinis VIII. ubi de oc-
cultationibus siderum inter se mutuò, ago, extant hæc verba:
>Errorē “Mercurij Nodi in **Tauri** & Scorpionis principio, vel Arietis,
in signo “& Libra fuerunt, possuntq; hodie, ac ferè omnibus temporibus, pla-
vide pau “netam hunc sub Solem invehere. Quæ minus mirandum, quod in
lo infra “vita Caroli Magni legimus ad annum 807. annotatum his verbis:
notā **†††** “Stella Mercurij 16. Cal. Apr. lis visa est in Sole quasi parva macu-
“la nigra: tamen paulò superius medio centro eiusdem sideris: quæ
“octoties (vt ego lego, barbarè, non octo dies) à nobis ita conspecta
“est. Sed quando primum intravit vel exiit, nubibus impedientibus
“non potuit adnotari.
“Autor Astronomiæ peritus fuit, quod apparet ex consignatio-
“ne tot Ecclipsium, & quod copulam Solis & Mercurij calculo tenuit
“ex quo scivit, maculam illam esse Mercurium. Annus tamen,
“nescio quo casu, vitiosè conscriptus est. Fuit enim anno 808. **XVI.**
“Cal. Aprilis (fortè quod annum à Paschate inchoat) **N**em eius diei
“meridiana hora in Regiomonte calculus Prutenicus exhibet Locum
“Solis o. g. 45. m. Arietis Mercurij o. g. 41. m. Arietis cū lat.
“2. g. 9. m. quam latitudinem à Ptolomao certum est; sic ordinatam,
“ne hos duos Planetas sub Solem induceret. At iam dictum est,
Videin “hodie nodum in **Arietis** fine esse, vt non præter rationem sit,
fra signo “tunc fuisse circa initium huius signi. Iam igitur non amplius soli
††† “Averroë de hoc Phænomeno credimus, postquam Christianæ pro-
“fessionis homo suum quoque calculum addit.

Hactenus Optica.

Bennio post editionem Opticorum prodij disputatio de inæqualita-
tibus motuum cœlestium, præside M. Michaele Masthino, Pro-
fessore Mathematico Tubingensi, respondentе M. Samuele Hafen-
reffer: quo in libello præter alias pulcherrimas relitationes cum sen-
tentijs non paucis meorum Opticorum (quibus pars earum confirma-
ta, pars dissipata & vitta est) etiam hæc mea explicatio historici
loci

loci de coniunctione Solis & Mercurij visibili, thesi XCVIII. bene longa examinata & confutata reperitur. Ad quam thesin opera precium est respondere, ut veritas elucescat; sic enim iubere videntur ea, quae hoc anno 1607. in celo spettata fuerunt.

Principio recensentur authores historici, qui de hac nigra macula in Sole testantur, *Annonius Monachus*, *Autor annalium Francicorum anonymus*, *Eginardus*, *Vincentius*, *Sabellicus*, *Lycosthenes*, *Polydorus Virgilius*, *Beda codex*, *Centuria Ecclesiastica*. Inde nititur disputator quatuor rationibus probare, ostentum potius fuisse preter naturale, quam coniunctionem Solis & Mercurij Astronomicam.

Rationes haec sunt:

1. *Mercurium retrogradum Soli corporaliter iunctum*; non ultra 6. vel 7. horas sub sole incedere posse, ob celeritatem cursus. At testari dictos authores, visam esse hanc maculam in Sole 7. 8. vel 9. dies.

Præveneram ego hanc obiectionem correctione textus historici.

Nam pro eo, quod legitur octo dies, legendum dixeram Octoties, pro octies. Hac responsio vera est. Nam si hoc ita spectatum est XVI. Cal. Aprilis uno die; non est igitur spectatum per 7. 8. vel 9. dies.

Excipit vero disputator, non omnes authores habere octo dies, ex quo concinnè quis efformet illud Octoties, nam apud Eginardum, esse dies Septem, in Beda codice dies 9.

Respondeo, Certum esse unum aliquem primum fuisse, qui consignavit hanc visionem Solis: cæteros ab hoc descripsisse. Fuisse autem Astronomum, descripicio ipsa indicat: Maculam Parvam in Sole viam. Quis, malum, nisi Astronomus, rari & insoliti phænomeni præscientia instigatus, oculos in Solem dirigat, videatq; maculam parvam in Sole, si etiam perennis illa esset? Quando ne illum quidem atrum punctum in extremitate corporis Lunæ vident omnes; et si Luna nullo damno oculorum inspici ab omnibus potest.

Reliqua argumenta, quibus probatur scriptorem fuisse Astronomum, opera precium est ex Epistola mea cognoscere, quam super bac rescripti ad prædictum iuvenem, Thesum propugnatorem, 16. Novembris anni sexti supra sexcentesimum: quem diem notabit lector, ut de fide eorum, quæ sequentur, possit esse tantò certior. Sic igitur inter cætera. Quæ de Mercurio sub Sole viso obieciisti, ea non persuades. Historici quod ex uno Matheoso perito acceperunt, transcripsierunt male intellectum, Fateris ipse, corruptam apud ple-

rosq;

“ rosq; descriptores rei narrationem, Annorum numero alio atq; alio.
“ Qui verò primus ista scriptis, ita loquitur, ut Astronomus ; de die
“ bus octo intelligi non potest. Nam si dies octo intelligendi sunt, non
“ vices octo, intra unam diem : quid attinuit de nubibus querelam in-
“ stituere, quibus impeditus primum Mercurij ingressum, in clypeum
“ Solis, vel exitum ultimum, videre non potuerit, quippe hoc impedi-
“ mentum noctes etiam sì quæ inter tot dies intercessissent, potuissent
“ obijcere, Sole cum Mercurio sub terra pensante . Imò quid mul-
“ tis ille Astronomus attenderat ad diem coniunctionis Solis & Mer-
“ curij ; ex preparato ad hanc contemplationem acceferat ; ac si quis
“ staret procinctus ad Ecclipsin obseruandam : itaq; etiam quando
“ primum intraverit. quò minus videret , nubibus fuit impedi-
“ ws. Magna in homine fiducia futura Ecclipsationis Solis, arguit ;
“ ipsum & exemplis alijs antecedentibus, & doctrina expressa, forte
“ Arabum aut Persarum (misit enim Rex Persarum Automatum
“ ad Carolum Magnum, argumentum eruditæ gentis) fuisse iam pri-
“ dem de re ipsa, quod fieri possit , confirmatum, & scivisse loca No-
“ dorum Mercurij . Quis quæso dixisset, nisi Astronomus, diem il-
“ lum esse Coniunctionis Solis & Mercurij . Et quia Astronomus
“ & tot Eclipsium observator, quomodo ignorare potuit, Mercurium
“ celerius quam octo dierum spacio sub Sole transire ?

“ Quæ de nodis & magna latitudine Mercurij in Coniunctione So-
“ lis, obijcis respondi satis in opticis . Sed ibi insigni errari . Nam
“ hadie nodus Mercurij, non est in initio Tauri, sed geminorum . Id
“ comporio in progressu examinis motuum Mercurij, & deprehendi
“ errorem calculi, qui mihi de TAURO dicebat .

Hac igitur tune, sc. 16. Novembri anno 1606. scripsi: ad com-
“ mendationem fidei scriptoris Annalim pertinentia .

Fuisse vero Annonium illo posteriore, & sic non oculatum teste-
“ patet ex historiæ textu, cum Annonius longius provehatur in se-
“ quentia tempora .

Deniq; qui Francicas historias non indiligerenter tractat, invenit
“ in Annonino, Reginone, Adone, Schafnaburgense integratos para-
“ graphos, à verbo ad verbum, ex hoc authore vita Caroli Magni, qui
“ Monachus fuisse perhibetur Engolismensis Cenobij, exq; scriptore
“ vita Ludovici Tij descriptos; præsertim illos, qui de rebus Astrono-
“ miciis, ut de Cometis, Eclipsibus & similibus tradunt .

Etsi igitur Raphsodi posteriores omiserunt vocem Mercurij, di-
“ centes tantum de macula nigra : (fortè ignorantes esse aliquam in
“ calo

Vide se-
prafigno
†††

Nomen hu-
ius Mona-
chi Frehe-
rus prodit
Adelmus
Benedicti
nus.

cœlo stellam, quæ dicatur Mercurij;) tamen certum est, fuisse aliquem priorem illis tempore, quippe testē oculatū qui hanc ipsam aparitionem referret ad stellam Mercurij: Authoritas itaq; antiquior, ratione subnixa, non est conuella per authoritatem recentiorem, negligentia aut imperitia manifestissimam, & præterea ab oculata fide remotiorem..

At instat disputator amplius: videri Eginardum fuisse spectatorem phænomeni huius: quippe qui Caroli Magni alumnus fuerit, & Epistolarum magister, & denuo gener.

Ego vero recoquo vim responsoris, Eginardus enim hanc narrationem à scriptore vita Caroli descripsit. Negat quis? Ergo ille mihi explicet: qui credam, verisimile esse duos diversos ad unicum & inconspicuum ferè phænomenon in sole æqualissimo octo dierum spacio fuisse attentos? Quin potius illum primum authorem credimus, qui se multis documentis probat fuisse astronomum, alterum vero Eginardum illius fuisse simiam, qui quod descripsit, ipse non intellexit: quiq; ex voce Octoties primus fecit Octo dies, post memoria lapsus numerum unitate minuit; Sicq; sequentibus dux & autor fuit ad corruptam rei narrationem.

Astra notent docti, tu Pari semper ama.

Certè enim, qua nocte factus est gener Caroli Magni, stellas non fuit contemplatus. Ninxerat quippe interea, itaq; ne vestigij prodebetur, amicæ humeris exportatus fuit, clam spectante Carolo.

Atq; hac eadem responsione etiam quartæ rationi Disputatoris satis factum est, cum conatus est authoritate Eginardi persuadere, maculam istam non fuisse Mercurium, sed prodigium prænuncians mortem Caroli Magni.

Secundum argumentum falsò iactatæ maculae in sole deduxit disputator à dissensione authorum in temporis circumstantia. I I.

Polydorum enim Virgilium, Sabellicum, & Lycosthenem ponere annum Christi 778. Annonium vero, & Annuum authorem habere 807.. Lycosthenem iterum 808. Et tertid 1278.

Cui adiungo & tertiam disputatoris rationem, quæ ex eo quod Polydorus, Lycosthenes, Sabellicus Eclipsin Solis retulerunt, quæ erat Eclipsis Iovis à Luna facta, teste Annonio, Adone, Reginone, Annalibus Francicis, ipsoq; adeò calculo; exq; eo, quod Turpinus fabulam retulerit, dici sub Carolo magno in triduū prolongata, hanc etiam narrationem eorundem annalium (quos veros toties iam deprehenderat) de mercurio in Sole viso, suspectam reddere nivit. I I I.

Re-

Respondeo traditionem hanc de Mercurio in Sole visto, non nisi numeris & fide eorum authorum, qui descripserunt illam ex uno aliquo primo. Cur enimo culatus testis aliquis, & peritus Astronomus, qui bona fide scripsit, subsequentium oscitantiam & inconstantiam, aut fabulosi Turpini credulitatem luat?

Equidem ex hoc ultimo seculo accersitos video trium viros illos, Polydorum, Sabellicum, Lycosthenem, ut & Centuriatores, nec multò antiquiorem Vincentium; cum res facta ante octo secula narretur. Sed causas, quibus decepti sunt authores, partim disputator ipse explicat, Lycosthenem à Polydoro, Polydorum ab eventibus insignibus anni 778. seductum, ut annum 778. ponerent, eundemq; annum Lycosthenem in 1278. transformasse deceptum permutatione characterum.

19. & c19.

E I N I S.

